

Skirbi pa *RuthyVrieswijk-Bergen:*

Bon Dia yen di alegria



ORANJESTAD - Diadomingo Lady Ruth a mira un programa na un di e canalnan Hulandes di television, encuanto ken ta pro of contra pa nan “stem” y of nan “bida” continua den robot den futuro, pa asina e generacion cu ta bin por sigui tin contacto y sigui haya conseho for di nan grandinan entre otro cu ya ta morto.

Hopi straño e cos aki ta, pa a tende e varios contestanan di e hobennan adulto di tur sorto di profesion entre nan dokter y artista kico ta nan pensamentonan. Hopi interesante pa tende e contestanan den nan filosofia cu un profesor cu a guia e grupo aki den nan debate, si nos por yam’e asina.

Ta bon pa por combersa di e temanan aki tambe claro, y ki interesante si mi por a sigui scucha nan riba nan website,

pero, net e ora ey a bay busca algo di bebe den cushina. Nan a djs menciona tambe e discriminacion di rasa y sexo, cu sigur tambe lo impacta. Locual a ser menciona den e programa aki, cu pa varios si ya ta funciona, ta pa haya un pareha den bida via e programanan di computer, ora ta busca un pareha cu ta pas pa bo, cu entre otro tambe ta gusta wak peliculanan cu abo ta gusta wak. Ufffff, laga mi aki banda sin robot den mi bida, naaaaaah, no ta necesario pa tin “Ruthy robots” hahahha.

Un Ruthy so ta hopi ! Laga mi sigui bishita actividadnan social cultural y sigui inspira poemanan cu por sigui inspira otronan den e tempo y espacio aki di bida. Un rato Lady Ruth a sinti, cu ta manera tin entre e grupo cu a intercambia di pensamiento y idea den e programa di filosofia, cu ta algo normal

cu tin mas cu tin miedo di muri y kier haci manera den pelicula, algo pa asina biba y of bira inmortal den bida carnal. Mientras tin hopi cu den nan mesun midí di fe, ta kere den bida despues di morto, den un bida spiritual. Y ta bunita pa mientrastanto nos sigui duna danki na Dios pa nos salud y bida. Un bishita hopi aña pasa mi a yega di topa cu un poema encuanto e autor en busca di su mes den tur cos den dje y rond di dje, pakico e ta hala rosea, pakico e ta tosa, pakico e ta hari, pakico e ta cana etc., etc. Un poema asina straño, cu a termina cu si e sigui puntra pakico e ta na bida e lo por bira loco. Hopi di nos sa pakico nos ta na bida y ta comprende nos mision den bida. Nos ta feliz y ta haci nos best dia pa dia. Pero tin ainda

eyfanan cu no sa cu ta nan mes ta nan mesun felicidad y pa no envidia otronan pa motibo di no ta manera nan y di no tin locual otronan tin. He, Lady Ruth ta zona manera un politico kisas, cu kier priminti cos bon so na su lectornan, mientras e mes no sa ainda pa cua partido y of pa ken e vota e aña aki. E no ta ricibi bishita di ningun politico tampoco, cu tur respet pa nan maneranan di hiba campaña. E lo crusa e brug ey ora e yeg’e dia 22 di September. El a Anja algun yamada telefonico di campañaadnan pa varios partidonan cu nan invitacion, pero ta spera cu nan respetu su privacidad y no purba di forz’e den tuma su decision, su decision lo ta esun cu ta esun bon pa su consenshi. Mientrastanto Lady Ruth lo sigui bishita e expo na Unoca di e alumnonan di Master Painter King Lie Kwie pa admira e obranan crea pa mentenan y curasonnan creativo. Y.... no kibra cabes cu un dia lo tin un Robot ta cana den nos cayanan principal pa contesta nos preguntanan cu ainda no a wordo contesta ! Mientrastanto pasa un dushi dia yen di alegria !!! Pa dorna nos relato di awe, potretnan di e apertura di e expo di e alumnonan di King Lie Kwie. Bunita berdad ? ! Riba un di e bunita picnan nos por mira “The golden girls” sisters Lie Kwie, entre nan e simpatico y dinamico talentoso A -Jien Lie Kwie, cu a duna 23 aña profesionalmente di su bida na SAMBA, cu hopi amor y cariño. DANKI lieve A-Jien pa a duna Aruba 23 aña na excelente servicio di conseho y inspiracion y mas ! Bo a yuda hopi hende haya nan mes bek....God bless you !!! Bo sa cu pindasas ta master, un di e mihonan cu mi a come te awor !!!! Love you !!

